



四庫全書

薈要

【經部】

乾隆
御覽本

四庫全書薈要

經部
第五冊

吉林人民出版社

欽定四庫全書書傳要

經部
書傳卷一至四

詳校官祭酒臣韋謙恒



書傳

提要

臣等謹案書傳二十卷宋蕪軾撰尚書所載皆帝王大政軾究心經世之學明於事勢而又長於議論故其詮解經義於治亂興亡之故披抉明暢較他經獨為擅長其釋禹貢三江定為南江中江北江本諸鄭康成遠有端緒但未嘗詳審經文攷覈水道而附益以味別之說遂以啟後人之譏議至於以義和曠職為貳於羿而忠於夏則林之竒宗之以康王之誥服冕為非禮引左傳叔向之言為證則蔡沈取之朱子亦稱其詳呂刑篇以荒度作刑為句甚合於理則皆卓然具有特見朱子雖有惜其太簡之說然漢代訓詁文多簡質自孔賈以後徵引始繁軾文如萬斛源泉

欽定四庫全書

書傳
提要

一

隨地涌出非不能曼衍其詞當以解經之體
詞貴典要故斂才就範但取詞達而止未可
以繁省為優劣也乾隆四十一年二月恭校
上

總纂官臣紀昀臣陸錫熊臣孫士毅

總校官臣陸費墀

書傳卷一

宋 蘇軾 撰

虞書

堯典第一

昔在帝堯聰明文思

聰者無所不聞明者無所不見文者其法度也思者
其智慮也

光宅天下

聖人之德如日月之光貞一而無所不及也

將遜于位

遜適也

讓于虞舜作堯典

言常道也

曰若稽古帝堯曰放勳欽明文思安安

若順也稽考也放法也有功而可法曰放勳猶孔子

曰巍巍乎其有成功此論其德之辭也自孟子太史

公咸以放勳重華文命為堯舜禹之名然有不可者以類求之則臯陶為名允迪乎欽敬也或言其聰或言其敬初無異義而學者因是以為說則不勝異說矣凡若此者皆不取欽明文思才之絕人者也以絕人之才而安於無事此德之盛也夫惟天下之至仁為能安其安

允恭克讓光被四表格于上下

允信也克能也表外也格至也上下天地也恭有偽

欽定四庫全書

書傳
卷一

讓有不克故以允克為賢

克明俊德以親九族

明揚也俊傑也堯之政以舉賢為首親親為次九族

高祖玄孫之族也

九族既睦平章百姓

平和也章顯用其賢者也百姓凡國之大族民之望也大族予之民莫不予也方是時上世帝皇之子孫其得姓者蓋百餘族而已故曰百姓

百姓昭明協和萬邦黎民於變時雍

協合也黎衆也變化也雍和也

乃命羲和欽若昊天歷象日月星辰敬授人時

吳廣大也歷者其書也象者其器也璿璣玉衡之類是也星四方中星也辰日月所會也或曰星五星辰三辰心伐北辰也重黎之後羲氏和氏世掌天地四時之官故堯以是命之

分命羲仲宅嵎夷曰暘谷

欽定四庫全書

書傳
卷一

三

禹貢嵎夷在青州又曰暘谷則其地近日而先明當在東方海上以此推之則昧谷當在西極朔方幽都當在幽州而南交為交趾明矣春曰宅嵎夷夏曰宅南交冬曰宅朔方而秋獨曰宅西徐廣曰西今天水之西縣也羲和之任亦重矣堯都於冀州而其所重任之臣乃在四極萬里之外理或不然當是致日景以定分至然後歷可起也故使往驗於四極非常宅也

寅賓出日平秩東作

寅敬也賓導也秩次序也東作春作也西成秋成也
春夏欲民早起故先日出而作是謂寅賓出日秋冬
寒不能早起故令民候日入而息是謂寅饒納日二
叔不言饒者因仲之辭

日中星鳥以殷仲春

日中者晝夜平也二分皆晝夜平而春言日中秋言
宵中者互相備也春分朱鳥七宿昏見於南方夏至
則青龍秋分則玄武冬至則白虎而夏秋冬獨舉一
宿者舉其中也殷當也書曰九江孔殷

厥民析

冬寒無事民入室處春事既起丁壯就田其民老壯
分析見漢志

鳥獸孳尾

乳化曰孳交接曰尾

申命義叔

申重也

宅南交平秩南訛敬致

訛化也叙南方化育之事以敬致其功

日永星火以正仲夏

永長也火心星也

厥民因

老弱畢作因就在田之丁壯也

鳥獸希革

其羽毛希少而革易也

分命和仲宅西曰昧谷寅饒納日

饒送也

平秩西成宵中星虛以殷仲秋厥民夷

夷平也農事至秋稍緩可以漸休故曰夷

鳥獸毛毳

毳理也毛更生整理

申命和叔宅朔方曰幽都平在朔易

在察也朔易歲於此改易也禮十二月天子與公卿大夫共飭國典論時令以待來歲之宜

日短星昴以正仲冬厥民暝

隩室也民老幼皆入室

鳥獸氄毛

氄軟厚也

帝曰咨汝羲暨和朞三百有六旬有六日以閏月定四時成歲

欽定四庫全書

書傳
卷一

六

暨與也周四時曰朞朞當三百六十五日四分日之一而云六日舉其全也歲止得三百五十四日故以閏月定而正之有讀為又古有又通

允釐百工庶績咸熙

釐理工官也績功也熙光明也

帝曰疇咨若時登庸

疇誰也咨嗟也時是也猶曰時乎嗟哉能順是者我登進而用之

放齊曰胤子朱啓明帝曰吁嚚訟可乎

放齊臣名胤國子爵朱名書有胤侯吁疑恠之辭也口不道忠信之言為嚚或曰太史公曰嗣子丹朱開明

帝曰疇咨若予采

采事也

驩兜曰都共工方鳩僝功

驩兜臣名都於嘆美之辭也共工其先為是官者因

欽定四庫全書

書傳
卷一

七

以氏也方類也鳩聚也僝布也言共工能類聚而布其功也

帝曰吁靜言庸違象恭滔天

靜則能言用則違之貌象恭敬而實滅其天理滔滅也

帝曰咨四岳

孔安國以四岳為羲和四子而太史公以羲和為司馬之先以四岳為齊太公之祖則四岳非羲和也當

以史為正

湯湯洪水方割蕩蕩懷山襄陵浩浩滔天

湯湯蕩蕩浩浩皆水之狀也割害也懷包也襄上也

水逆流曰襄

下民其咨有能俾乂

俾使也乂治也

僉曰於鯀哉

僉皆也鯀崇伯之名

欽定四庫全書

書傳
卷一

帝曰吁咈哉方命圮族

咈戾也方命負命也族類也圮族敗類也

岳曰異哉試可乃已

異舉也時未有賢於鯀者故岳曰舉而試之可以治

水則已無求其他

帝曰往欽哉九載績用弗成

載年也九年三考而功不成

帝曰咨四岳朕在位七十載

堯年十六以唐侯為天子在位七十年時年八十六
汝能庸命巽朕位岳曰否德忝帝位

巽受也否不也忝辱也

曰明明揚側陋

明其高明者揚其側陋者言不擇貴賤也

師錫帝曰有鰥在下曰虞舜

師衆也錫予也無妻曰鰥舉舜而言其鰥者欲帝妻

之也帝知岳不足禪而禪之岳知舜可禪而不舉何

欽定四庫全書

書傳
卷一

九

也以天下予庶人古無是道也故必先自岳始岳必
不敢當也岳不敢當而後及其餘曰吾不擇貴賤也
而衆乃敢舉舜理勢然也堯之知舜至矣而天下不
足以盡知之故將授之天下使其事發於衆不發於
堯故舜受之也安

帝曰俞子聞如何

俞然也曰然子亦聞之其德果何如哉

岳曰瞽子父頑母嚚象傲克諧以孝烝烝乂不格姦

替舜父名也其字腹心不則德義之經為頑象舜弟也諧和也烝進也姦亂也舜能以孝和諧父母昆弟使進於德不及於亂而孟子太史公皆言象日以殺舜為事塗廩浚井僅脫於死至欲室其二嫂其為格姦也甚矣故凡言舜之事不告而娶避堯之子於南河之南舉皆齊東野人之語而二子不察也

帝曰我其試哉女于時觀厥刑于二女釐降二女于媯汭嬪于虞帝曰欽哉

刑法也釐理也媯水名也婦敬曰嬪虞其族也舜能以理下二女於媯水之陽耕稼陶漁之地使二女不獨敬其親而通敬其族舜之所謂諸難無難於此者也雖付之天下可也堯以是信之矣而人未足以信之故復試之以五典百揆四門大麓之事

書傳卷一

書傳卷二

宋 蘇軾 撰

虞書

舜典第二

虞舜側微堯聞之聰明將使嗣位歷試諸難作舜典曰若稽古帝舜曰重華協于帝重襲也華文也襲堯之文也

濬哲文明溫恭允塞

濬深也哲智也塞實也書曰剛而塞詩曰秉心塞淵玄德升聞玄幽也

乃命以位慎徽五典五典克從納于百揆百揆時叙賓于四門四門穆穆

徽和也五典五教也司徒之事也揆度也書曰有能奮庸熙帝之載使宅百揆亮采惠疇僉曰伯禹作司空而左氏傳亦云使主后土以揆百事則百揆司空

之事也四門四方之門也穆穆美也諸侯之來朝者
舜賓迎之宗伯之事也

納于大麓烈風雷雨弗迷

舊說麓錄也舜大錄萬機之政陰陽和風雨時自漢
以來有是說故章帝始置太傅錄尚書事而晉以後
強臣將篡者為之其源出於此考其所由蓋古文麓
作叢故學者誤以為錄耳或曰大麓太山麓也古者
易姓告代必因泰山除地為壇以告天地故謂之禪

欽定四庫全書

書傳
卷二

二

其禮既不經見而考書之文則堯見舜為政三年而
五典從百揆叙四門穆風雨不迷而後告舜以禪位
而舜猶讓不敢當也而堯乃於未告舜禪之前先往
太山以易姓告代豈事之實也哉書云烈風雷雨弗
迷是天有烈風雷雨而舜弗迷也今乃以為陰陽和
風雨時逆其文矣太史公曰堯使舜入山林川澤暴
風雷雨舜行不迷此其實也堯之所以試舜者亦多
方矣洪水為患使舜入山林相視原隰雷雨大至衆

懼失常而舜不迷其度量有絕人者而天地鬼神亦
或有以相之歟且帝王之興其受命之祥卓然見於
書詩者多矣河圖洛書玄鳥生民之詩豈可謂誣也
哉恨學者推之太詳識緯而後之君子亦矯枉過正
舉從而廢之以為王莽公孫述之流沿此作亂使漢
不失德莽述何自而起而歸罪三代受命之符亦過
矣故夫君子之論取其實而已矣

帝曰格汝舜詢事考言乃言底可績三載汝陟帝位

欽定四庫全書

書傳
卷二

三

格來也詢謀也底致也猶受命而往返而致命也陟
升也舜之始見堯也必有以論天下之事其措置當
爾其成當如何考三年而其言驗乃致其功

舜讓于德弗嗣

以德不能繼為讓

正月上日受終于文祖

上日上旬日也太史公曰文祖堯之太祖也不於其
所祖受堯之終必於堯之祖廟有事於祖廟則餘廟

可知

在璿璣玉衡以齊七政

在察也璿美玉也璣衡王者正天文之器可轉運者

七政日月五星也

肆類于上帝

肆遂也類事類也以事告非常祀也凡祀上帝必及地而何以知其然也以郊之有望知之春秋書不郊猶三望傳曰望郊之細也書曰庚戌柴望大告武成

欽定四庫全書

書傳
卷二

四

柴祀天也望祀山川也而禮成於一曰祀山川而不及地此理之必不然者也是以知祀天必及地也詩曰昊天有成命郊祀天地也漢以來學者考之不詳而世主或出其私意五時祭帝汾陰祀后土而王莽始合祭天地世祖以來或合或否而唐明皇始下詔合祀至于今者疑焉以謂莽與明皇始變禮而不知祀天之必及地蓋自舜以來見于經矣

禋于六宗望于山川偏于羣神

精意以享曰禋宗尊也六宗尊神也所祭不經見諸

儒各以意度之皆可疑惟晉張髦以為三昭三穆學者多從其說然以書考之受終之初既有事於文祖其勢必及餘廟豈有獨祭文祖於齊七政之前而別祭餘廟於類上帝之後者乎以此推之則齊七政之後所祭皆天神非人鬼矣孔安國六宗四時也寒暑也日也月也星也水旱也其說自西漢有之意其必有所傳受非臆度者其神名壇位皆不可以禮推猶

欽定四庫全書

書傳
卷二

五

秦八神漢太乙之類豈區區曲學所能以私意損益者哉春秋不郊猶三望三望分野之星與國中山川乃知古者郊祭天地必及於天地之間所謂尊神者魯諸侯也故三望而已則此禋于六宗望于山川偏于羣神蓋與類上帝為一禮耳又以祭法考之其曰燔柴於泰壇祭天也瘞埋於泰折祭地也則此所謂類于上帝者也埋少牢於泰昭祭時也相近於坎壇祭寒暑也王宮祭日也夜明祭月也幽宗祭星也雩

宗祭水旱也則此所謂禋于六宗也四坎壇祭四方也山林川谷丘陵能出雲為風雨見恠物皆曰神有天下者祭百神則此所謂望于山川徧于羣神也祭法所叙蓋郊祀天地從祀諸神之壇位而舜典之章句義疏也故星為幽宗水旱為雩宗合於所謂六宗者但鄭玄曲為異說而改宗為禋不可信也

輯五瑞既月乃日覲四岳羣牧班瑞于羣后

輯欽也班還也五瑞五玉也公執桓圭侯執信圭伯

欽定四庫全書

書傳
卷二

六

執躬圭子執穀璧男執蒲璧既盡也正月之末盡也

蓋齊七政類上帝無暇日見諸侯既月無事則四岳

羣牧可以日覲矣古者朝覲贊玉已事則還之故始

輯而終班

歲二月東巡狩至于岱宗柴

巡狩者巡行諸侯之所守也岱宗泰山也柴燔柴祭

天告至也

望秩于山川

東嶽諸侯境內名山大川如其秩次望祭之五岳牲祀視三公四瀆視諸侯其餘視伯子男

肆覲東后

東方諸侯也

協時月正日同律度量衡

合四時之氣節月之大小日之甲乙使齊一也律十

二律也

脩五禮五玉三帛二生一死贊

欽定四庫全書

書傳
卷二

七

五禮吉凶軍賓嘉也五玉五瑞也三帛孔安國曰諸

侯世子執纁公之孤執玄附庸之君執黃二生卿執

羔大夫執雁一死士執雉執以見曰贊

如五器卒乃復

五器五玉也帛生死則否

五月南巡守至于南岳如岱禮

八月西巡守至于西岳如初

十有一月朔巡守至于北岳如西禮

南岳衡山西岳華山北岳恒山

歸格于藝祖用特

藝祖文祖也特一牛也

五載一巡守羣后四朝敷奏以言明試以功車服以庸
敷陳也奏進也庸用也諸侯四朝各使陳其言而試
其功則賜以車服而用之

肇十有二州

肇始也禹治水之後舜分冀州為幽州并州分青州

欽定四庫全書

書傳
卷二

八

為營州

封十有二山

封封殖也十二州之名山皆禁採伐也

濬川象以典刑

典刑常刑也殺人者死傷人者刑象其所犯

流宥五刑

五刑墨劓剕宮辟也作五流之法以宥五刑之輕者
墨薄刑也其宥乃至流乎曰刑者終身不可復而

流者有時而釋不賢於刑之乎

鞭作官刑

官刑以治庶人在官慢於事而未入於刑者

朴作教刑

朴夏楚也教學者所用也

金作贖刑

過誤而入於刑與罪疑者皆入金以贖

眚災肆赦怙終賊刑

欽定四庫全書

書傳
卷二

九

易曰无妄行有眚眚亦災也眚災者猶曰不幸非其
罪也肆縱也春秋肆大眚是也怙恃也終不改也賊
害也不幸而有罪則縱捨之情惡不悛以害人則刑
之

欽哉欽哉惟刑之恤哉

恤憂也

流共工于幽洲

幽洲北裔洲水中可居者

放驩兜于崇山

崇山南裔

竄三苗于三危

三苗緡雲氏之後為諸侯三危西裔

殛鯀于羽山

羽山東裔在海中殛誅死也流放竄皆遷也

四罪而天下咸服

此四凶族也其罪則莫得詳矣至於流且死則非小

欽定四庫全書

書傳
卷二

十

罪矣然堯不誅而待舜古今以為疑此皆世家巨室
其執政用事也久矣非堯始舉而用之苟無大故雖
知其惡勢不可去至舜為政而四人者不利乃始為
惡於舜之世如管蔡之於周公也歟

二十有八載帝乃徂落百姓如喪考妣三載四海遏密
八音

徂落死也考妣父母也遏絕也密靜也堯年十六即
位七十載求禪試三載自正月上日至崩二十八載

凡壽一百一十七歲

月正元日舜格于文祖

月正正月也元日朔日也向告攝今告即位

詢于四岳闢四門明四目達四聰

廣視聽於四方

咨十有二牧曰食哉惟時

十二州之牧所重民食惟是而已

柔遠能邇惇德允元而難任人蠻夷率服

欽定四庫全書

書傳
卷二

十一

能讀如不相能之能柔懷遠者使與近者相能惇厚
也元善也難拒也任人佞人也惇厚其德信用善人
而拒佞人則蠻夷服蓋佞人必好功名不務德而勤
遠略也

舜曰咨四岳有能奮庸熙帝之載使宅百揆亮采惠疇
奮立也庸功也熙光也載事也有能立功光亮之事
者當使宅百揆其能信事而順者誰乎

舜曰伯禹作司空帝曰兪咨禹汝平水土惟時懋哉

懋勉也

禹拜稽首讓于稷契暨皋陶

居稷官者棄也契皋陶二臣名

帝曰俞汝往哉

然其所推之賢不許其讓也

帝曰棄黎民阻飢

阻險難也

汝后稷播時百穀帝曰契百姓不親五品不遜汝作司

欽定四庫全書

書傳
卷二

十三

徒敬敷五教在寬

五教父義母慈兄友弟恭子孝以此教民必寬而後

可亟則以德為怨否則相率為偽

帝曰皋陶蠻夷猾夏寇賊姦宄

猾亂也夏華夏也亂在外曰姦在內曰宄

汝作士五刑有服五服三就

士理官也服從也三就國語所謂三次也大者陳之

原野小者致之市朝

五流有宅五宅三居惟明克允

三居如今律五流其詳不可知矣堯舜以德禮治天

下雖有蠻夷寇賊時犯其法然未嘗命將出師時使

皋陶作士以五刑三就五流三居之法治之足矣兵

既不用度其軍政必寓於農民當時訓農治民之官

如十二牧司徒司空之流當兼領其事是以不復立

司馬也而或者因謂堯時士與司馬為一官誤矣夫

以將帥之任而兼之於理官無時而可也堯獨安能

欽定四庫全書

書傳
卷二

十三

行之

帝曰疇若予工僉曰垂哉帝曰俞咨垂汝共工

垂臣名

垂拜稽首讓于文折暨伯與

二臣名

帝曰俞往哉汝諧

諧宜也

帝曰疇若予上下草木鳥獸

上山也下澤也

僉曰益哉

伯益也

帝曰俞咨益汝作朕虞

虞掌山澤之官

益拜稽首讓于朱虎熊羆

二臣名

帝曰俞往哉汝諧帝曰咨四岳有能典朕三禮僉曰伯

欽定四庫全書

書傳
卷二

十四

夷

三禮天地人禮伯夷臣名姜姓

帝曰俞咨伯汝作秩宗

秩序宗廟之官

夙夜惟寅直哉惟清

書曰伯夷降典折民惟刑禮之所去刑之所取故古

者禮官兼折刑夙夜惟寅者為禮也直哉惟清者為

刑也惟直則刑清

伯拜稽首讓于夔龍

二臣名

帝曰俞往欽哉帝曰夔命汝典樂教胥子直而溫寬而

栗剛而無虐簡而無傲

栗莊栗也教者必因其所長而輔其所不足直者患

不溫寬者患不栗剛者患虐簡者患傲

詩言志歌永言聲依永律和聲

言之不足故長言之吟詠其言而樂生焉是謂歌永

欽定四庫全書

書傳
卷二

十五

言聲者樂聲也永者人聲也樂聲升降之節視人聲

之所能至則為中聲是謂聲依永永則無節無節則

不中律故以律為之節是謂律和聲孔子論玉之德

曰叩之其聲清越以長其終詘然樂也夫清越以長

者永也其終詘然者律也夫樂固成於此二者歟

八音克諧無相奪倫神人以和夔曰於予擊石拊石百

獸率舞

此舜命九官之際也無緣夔於此獨稱其功此益稷

之文也簡編脫誤復見於此

帝曰龍朕聖讒說殄行震驚朕師命汝作納言夙夜出納朕命惟允

聖疾也殄絕也絕行猶獨行行之不可繼者也惟讒說獨行為能動衆納言之官聽下言納於上受上言宣於下樞機之官故能為天下言之帥舜有不問而命臣有不讓而受者皆隨其實也

帝曰咨汝二十有二人

欽定四庫全書

書傳
卷二

十六

書曰內有百揆四岳堯欲使異朕位則非四人明矣二十二人者蓋十二牧四岳九官也而舊說以為四人蓋每訪四岳必僉曰以答之訪者一而答者衆不害四岳之為一人也

欽哉惟時亮天功

亮弼也

三載考績三考黜陟幽明庶績咸熙分北三苗

苗之國左洞庭右彭蠡南方之國也而竄之西裔必

竄其君耳其民未也至此治功大成而苗民猶不服

故分北之

舜生三十

為民者三十載

徵庸三十

歷試三載攝位二十八載通為三十

在位五十載陟方乃死

堯崩舜服喪三年然後即位蓋年六十二矣在位五

欽定四庫全書

書傳
卷二

十七

十載而崩壽百有一十二說者以為舜巡守南方死於蒼梧之野韓愈以為非其說曰地傾東南巡非陟也陟方者猶曰升遐爾書曰惟新陟王是也傳書者以乃死為陟方之訓蓋其章句而後之學者誤以為經文此說為得之

帝釐下土方設居方別生分類作汨作九共九篇彙飢凡逸書不可強通其訓或曰九共九丘也古文丘共相近也其曰述職方以除九丘非也九丘逸矣理或